

丙丁戊己

曾文正公家書

曾文正公家書卷三

道光二十七年丁未正月十七日

孫男國藩跪稟祖父大人萬福金安去年十二月十七發第廿二號信並輓聯一包未心泉 誥命一軸交徐玉山太守帶交蕭年五處想三月可到又於廿日發第廿三號信交摺并想二月可到新正十五日接到家中十一月十九所發信敬悉大人之病已愈大半不知近日得全愈否孫去冬信言須參用化痰之藥不知可從否祖母已於十二月初十安葬甚好甚好但孫有畧不放心者孫幸蒙祖父福佑泰居卿大夫之末則祖母墳塋必須局面宏敞其墓下拜掃之處須寬闊其外須建立一誥封牌坊又其外須立神道碑木斗冲規極隘小離河太近無立牌坊與神道牌之地是以孫不甚放心意欲從容另尋一地以圖改葬不求富貴吉祥但求無水蟻無凶險面前宏敞而已不知大人以為何如若可則家中在近境四十里內從容尋地可也餘俟續具孫謹稟

道光二十七年正月十八日

男國藩跪稟親大人禮次正月十五日接到父親叔父十一月二十所發手書敬悉一切但摺并於臘月念八在長沙起程不知四弟何以尚未到省祖母葬地易敬臣之說甚是男去冬已寫信與朱亮階請渠尋地茲又寄書與敬臣亮階看妥之後可請敬臣一看以亮階為主而以敬臣為輔亮階看定後若毫無疑義不再請敬臣可也若有疑義則請渠二人商之男書先寄去若請他時四弟再寫一信去男有信稟祖父大人不知祖父可允從否若執意不聽則遵命不敢違拗求大人相機而行大人念及京中恐無錢用男在京事事省儉偶值闕乏之時尚有朋友可以通挪去年家中收各項約共五百金望收藏二百勿用以備不時之需丁戊二年不考差恐男無錢寄回男在京用度自有打算大人不必挂心此間情形四弟必能詳言之家中辦喪事情亦望四弟詳告共發孝衣幾十件饗祭幾堂遠處來省者幾人一一細載為幸男身體平安一男四女症後俱好男婦亦如常聞母親想六弟回家叔父信來亦欲六弟隨公車南旋此事須由六弟自家作主男不勸之歸亦不敢留家中諸務浩繁四弟可一人經理九弟季弟必須讀書萬不可耽擱他九弟季弟亦萬不可懶散自棄去年江西之行已不免為人所竊笑以後切不可輕舉妄動只要天不管地不管伏案用功而已男在京時時想男者只望諸弟中有一發憤自立之人雖不得科名亦是男的大幫手萬望家中勿以瑣事耽擱九弟季弟亦望兩弟鑒我苦心結定用功也男之癰疾近又小發但

不似去春之甚耳同鄉各家如常朔月樣已於十五日到京餘候續呈再謹稟

道光二十七年三月初十日

男國藩跪稟親大人膝下昨初九日已刻接讀大人示諭及諸弟信藉悉一切祖父大人之病已漸愈不勝禱祝想可由此而全愈也男前與宋家信言無時不思鄉土亦久宦之人所不免故前次家信亦言之今既承大人之命男則一意服官不敢違拗不作是想矣昨初六日派總裁房差同鄉惟黃煜皆一人單另列初八日男今年又不得差則家中氣運不致太宜洩祖父大人之病必可以速愈諸弟今年或亦可以入學此盈虛自然之理也男辭病雖發不甚狠近用將醫方朝夕治之渠言此病不要緊可以徐徐治病既好渠亦不要錢兩大人不必懸念男姊及華男孫男女身體俱好均無庸掛念男等所望者惟祖父大人病之速愈暨兩大人之節勞叔母目疾速愈俾叔父寬懷耳餘各另稟

道光二十七年三月初十日

澄侯四弟子植九弟季洪二弟左右二月十一接到第一第二號來信三月初十接到第三四五六號來信係正月十二十八廿二及二月朔日所發而一次收到家中諸事瑣屑畢知不勝歡慰祖大人之病竟以服沉香少愈幸甚其子終疑祖大人之體本好因服補藥太多致火壅於上焦不能下降雖服沉香而愈尚恐非切中肯綮之劑要須服清導之品降火滋陰為妙子雖不知醫理竊疑必須如此上次家書亦曾寫及不知曾與諸弟商酌否丁酉年祖大人之病亦誤服補劑賴澤六爺投以涼藥而效此次何以總不請澤六爺一診澤六爺近年待我家甚好即不請他診病亦須澄弟到他處常常來往不可太疎大小喜事宜常送禮免階既允為我覓安地如其覓得即聽渠買後或速或否仍由堂上大人作主諸弟不必執見上次信言子思歸甚切屬弟探堂上大人意思何如頃奉父親手書責我甚切自是謹遵父命不敢作歸計矣郭筠仙兄弟於二月二十到京筠仙與其叔及江岷樵住張相公廟去我家甚近翌日即住我家樹堂亦在我家入場我家入添二人伏侍李郭二君大約接後退一人只用一打雜人耳筠仙自江西來述岳雲母子之意欲我將第二女許配渠第二子求婚之意其誠前年岳雲在京亦曾託曹西垣說及予答以緩幾年再議今又託筠仙為媒情與勢皆不可却岳雲兄弟之為人與其居官治家之道九弟在江西一一目擊周九弟細告父母並告祖父求堂上大人分付或對或否以便問江西之信子夫婦現無成見對之意有六分不對之意亦有四分但求堂上大人主張九弟去年在江西予之前信稍有微詞不過恐人看輕耳仔細思之亦無妨

碑且有莫之為而為者九弟不必自悔也。破兒胡同之屋東四月要回京子已看南橫街圓通觀東間壁房屋一所大約三月尾可移寓此房係汪醇卿之宅。教習門生汪廷鵬此破兒胡同狹一小半取其不費力易搬故暫移彼若有好房當再遷移。黃秋農之銀已付還加利十兩子仍退之。周子佩於三月三日喜事王齋之子竟尚未歸。黃弟卿周韓臣聞香將告假回籍弟卿已定十七日起行。劉盛唐得瘋疾不能入關可憫之至。袁漱六到京數日即下園子用功其夫人生女僅三日即下船進京可謂膽大周君農數館主未至其臘尤大曾儀齋。定正月廿六在省起行二月廿九日到京凌笛舟正月廿八起行亦廿九到京可謂快極而澄弟出京係延至七十餘天始到人事之無定如此新舉人覆試題人而無恒二句賦得蒼庚鳴得鳴字四等十一人各罰停會試二科湖南無之戒身癰疾春間略發而不甚為害有人說方將石灰澄清清水用水調桐油搗之則白皮立去如前年搗桐綠膏子現二三日一搗使之不起白皮雖頭後不過微露紅影。不甚雖召見亦無碍除頭頂外他處皆不搗以其僅能濟一時不能除根也。內人及子女皆平安今年分房同鄉僅怨官同年僅松泉與寄雲大弟未免太少余雖不得差一切自有張繼家中不必掛心。今日予寫信頗多又係馮李諸君出場之日是無片刻暇故子未作楷信稟堂上乞弟代為我說明澄弟理家事之閒須時看五種遺規植弟洪弟須發憤讀書不必管家事克國藩草

道光二十七年六月十七日

姪國藩敬稟叔父孀母大人萬福金安新年兩次稟安未得另書敬告一切姪以庸鄙無知託祖宗之福蔭幸竊祿位時時撫來滋愧茲於本月大考復荷皇上天恩越四級而起升姪何德何能堪此殊榮常思祖宗積累之福自我一人享盡大可懼也望叔父作書教姪幸甚余定虔歸寄回銀五十兩其四十兩用法六弟九弟在省讀書用二十六兩四弟李弟學俸六兩買漆四兩歐陽太岳母奠金四兩前第三號信業已載明矣後已有十兩若作家中用度則嫌其太少添此無益減此無損姪意戚族中有最苦者不得不些須願送求叔父將此十金換錢分送最親最苦之處叔父於無意中送他萬不可說出自姪之意使未得者有觖望有怨言二伯祖父處或不送錢按期送回與油鹽之類隨叔父斟酌行之可也姪謹稟

道光二十七年六月十八日

澄侯子植季洪三位老弟足下五月寄去一信內有大考賦稿想已收到六月二日蒙皇上天恩及祖父德澤子得起升內閣學士顧影捫心寔深慚陳湖南三十七歲至二品者本朝尚無一人予之德薄才劣何以堪此近來中進士十年得閣學者

惟壬辰季仙九師乙未張小浦及子三人而予之才地莫不及彼二人遠甚以是尤深愧仄馮樹堂就易念園館係予所薦以書啟兼教讀每年得百六十金季竹屋出京後已來信四封在保定訥制臺贈以三十金且留乾館與他在江蘇陸立夫先生亦薦乾館與他渠甚感激我考教習余為總裁而同鄉寒士如蔡貞齋等皆不得取余是抱愧寄回祖父父親袍褂一付祖父係夷的宜好好收拾每月一看數月一曬百歲之後即以此為斂服以其為天恩所賜其材料外間買不出也父親做棉的則不妨長者不必為深遠之計蓋父親年未六十將來或更有君恩賜服亦未可知祖母大人葬後家中諸事順遂祖父之病已愈予之癩疾亦愈且驟升至二品則風水之好可知萬萬不可改葬若再改葬則謂之不祥且大不孝矣然其地予究嫌其面前不甚寬敞不便立牌坊起諱封碑亭亦不便起享堂之神道碑予意仍欲求堯階相一吉地為祖父大人將來壽藏弟可將此意稟告祖父見允否蓋諱封碑亭斷不可不修而祖母又不可改葬將來勢不能舍葬已稟告祖父總以祖父之意為定前問長女對袁家次女對陳家不知堂上之意如何現在陳家信來謂我家一定對渠甚歡喜餘客後具兄國藩草

道光二十七年六月二十七日

澄侯子植季洪三弟足下自四月廿七日得大考諭旨以後廿九日發家信五月十八又發一信二十九又發一信六月十八又發一信不審俱收到否二十五日接到澄弟六月一日所發信具悉一切欣慰之至發卷所走各家一半係余舊友惟屢次擾人心殊不安我自從己亥年在外把戲至今以為恨事將來萬一作外官或督撫或學政從前施情於我者或數百或數千皆鈞餌也渠若到任上來不應則失之刻薄應之則施一報十尚不足以滿其欲故兄自庚子到京以來於今八年不肯輕受人惠情願人占我的便益斷不肯我占人的便益將來若作外官京城以內無責報於我者澄弟在京年餘亦得略見其概矣此次澄弟所受各家之情成事不說以後凡事不可占人半點便益不可輕取人財切記切記彭十九家姻事兄意彭家發洩將盡不能久於壘蓄此時以女對渠家亦若從前之以蕙妹定王家也目前非不華麗而十年之外局面亦必一變澄第一男二女不知何以急定婚者此豈少緩須臾即恐無親家耶賢弟從事多躁而少靜以後尚期三思兒女姻緣前生注定我不敢阻亦不敢勸但囑賢弟少安毋躁而已成是齋府學教後係正七品封贈一代勅命二軸朱心泉縣學教諭係正八品僅封本身父母則無封心翁之父母乃肥封也家中現有楷紳何不一翻閱收書一等注三入學等為喜嘯山教習客當許曹西垣一查京第中大小平安紀澤讀書已至示族稱孝焉大女兒讀書已至吾十有五前三月曾囑子一頭頃趙炳坤又送一

頭二品本應坐綠呢車兄一如向來簡樸故仍坐藍呢車寓中用度比前較大每年進項亦較多每年俸銀三百兩其他外間進項尚與從前相似同鄉人皆如舊年竹屋在蘇寄信來立夫先生許以乾館餘不一兄手草

道光二十七年七月十八日

男國藩跪稟以親大人膝下十六夜接到六月初八日所發家信欣慰一切祖父大人病已十愈八九尤為莫大之福六月二十八日曾發一信言升官事想已收到馮樹堂六月十七日出京寄回紅頂補服袍褂手劍筆等物計八月可以到家賀禮惟七月初五日由京寄回鹿膠鹿參等物計九月可以到家四弟九弟信來言家中大小諸事皆大人躬親之未免過於勞苦勤儉本持家之道而人所處之地各不同大人之身上奉高堂下陰兒孫外為族黨鄰里所模範千金之軀誠宜珍重且男承竊卿貳服役已兼數人而大人以家務勞苦如是男寔不安於心此後萬望總持大綱以細微事付之四弟四弟固謹慎者必能自荷而大人與叔父大人惟日侍祖父大人前相與娛樂則萬幸矣宗寓大小平安一切自知謹慎堂上各位大人不必至念餘容另稟

道光二十七年八月十八日

澄侯子植李洪三弟左右八月十六日摺弁到京係七月廿九日在省起行維時植洪二弟正在省城不解何無一字寄京聞學院二十六日始考古則二十九日我邑尚未院試也京中小平安予之辭疾七月底較六月稍差然無碍召見之事則亦聽之而已六弟在國子監考課各位堂官頗加青眼上次蔡司業課古學經文一篇經解一篇賦一篇詩一篇六弟取第一獎勵甚重帖一套佳墨八條內人近頗多病不能健飯現在服藥當不緊要也紀澤讀書前四月間所請之湖北魏先生渠八月中即回家我家已於八月初七日換請一宋先生常德府內十舉人今年考取教習係我門生其人專嚴助教余有回人書札亦交渠代寫紀澤現已讀至梁惠王章句下每日讀書頗能領會大女兒與家訂姻已於八月初六日寫庚書過禮郭鈞仙為媒即須出都後年始能復來故趁其在京時先行納束袁家過禮來真金簪一真金耳環一對鍍金手釧二錢金戒指二紅綠湖縐各三大金花一對我家回禮袍褂料一套靴一帽一朝珠一補子一筆掃一扇掃一又女婿見面儀儀六兩陳家姻事前接四弟信知家中堂上大人甚歡喜現在岱雲子艱自不能定庚只好待渠服滿後諸弟若與陳家昆仲見面時亦不必道及姻事岱雲之喪事余已送購儀三十兩文郭鈞仙帶歸又有輓聯一付京官向例不送外官之銀予送三十兩則已為重矣

諸弟者到省只須辦香燭去行禮不必再送情也同鄉蕭史樓郭筠仙孫翁舟徐壽衡並由京在八月底起行郭孫走江南徐走山西鄧辛階尚在黃正齋家坐館蔡貞齋在澱六家龍滋園就一同鄉任江南金山縣者之館已出京乘車鍾毓亦就金山館金山縣之幕中人才可謂大盛王荆七現來要求再入我家我家現在本用兩個跟班目前有一個要去擬仍叫荆七來但不知高僧能久持行戒否文小南之尊翁亦於八月出京黎機喬亦欲出京大約在冬間矣書不詳盡餘俟續寄凡國藩手草道光二十七年九月初十日

澄侯子植季洪足下九月重陽日接到家信三封內父親手諭二件澄侯六月廿五在家發信一件七月十五在省發信一件十九又一件八月十三又一件子植七月十九發一件八月十三又一件季洪亦有七月十九一篇子植附試文章在此包內題名錄二紙蓋至是始識九弟案首入學之信前八月摺弁到京乃七月廿八九在省起行者計是時九弟府首喜信已發交提塘矣而渠不帶來良可憾也此外又有張湘紋曾李甫唐鏡文首班臣鄧秋仙歐陽滄溟文各信亦俱收到我與溫甫看一夜始完兩次喜信使祖大人病體大愈此為人子孫者之大幸也呈請晉封仍須 皇恩之年辛亥年是 皇上七旬萬壽天約可以請晉封祖父母父母並可貤封叔父母且可請贈曾祖父母矣然使身不加修學不加進而濫受 天恩徒覺愧悚故兄自升官後時時戰兢惕懼近來身體甚好耳又微聲申三讀書先生極好嚴而且勤教書亦極得法長女上論將讀畢矣溫甫國子監應課已經補班萬中眷口俱平順荆七現又收在我家於門上跟班之外多用一人以充買辦行走之用即以荆七補缺甚為勝任渠亦如士會還朝蘇武返漢欣幸之至四弟可告知渠家也袁淑六因其幼女已死現搬往湘潭館訂庚之事前已寫信告堂上矣陳家姻事堂上大人既欣然允許余豈復有不滿意者惟訂庚須稍遲或俟雲起服亦未可知至姻事則確有成言矣曾心齋曾借銀八十與郭瑞田渠現還百金文余託轉寄毅然先生目前尚無安便一入他人手又恐化為烏有故不得不慎重弟可先作書告毅然文說我所以慎重之故亦總在今冬明春寄到也朱嘯山託曾西垣查教習之期西垣查得言尚遙遙無期弟亦可告嘯山也劉福橋先生要挂屏四張現亦無便可寄蓋徐壽衡不回家史樓筠仙亦明年方可到省故皆不敢寄羅筠皋之銀亦無便寄弟可並告筠皋也滄溟文以我言魏家訟事回書頗有不豫之意故雲與筆寫字弟可先將祠堂帶回之筆分三枝送他待彭大生歸我再寄筆回岳父寄重卷至京余擬送賀儀大錢二十千亦交彭大生帶回柳衡叔仙逝余擬備奠儀大錢八十亦交彭大生帶回惟毅然先生及筠皋之項不敢交彭恐其難辦艱險九弟印卷幣須出大

錢百千乃為不豐不貴不被人譏議或三股均送或兩股較多門斗較少亦可但須今年內送去不可捱至明年故官最為清苦我輩仕宦之家不可不有以體諒之也家中今年想尚可支持至明年上半年余必寄銀至家應用陳雲到省四弟與郭三合辦呢幃甚是妥叶余送銀貳分三十金已交筠仙帶去矣別有晚聯現尚未寄梅勸生求我作書與鍾子實準在近日付去唐書郊之信屢次未回則是以懶惰之故渠託我代求各翰林法書澄侯不在京而欲我為此等事毋乃強人以難乎收到鄒芸陔所帶各件屢次為信道之不知來信何以屢問添梓坪各件寄書再寄物與他四弟先為我道謝可也四弟以女許彭家姻緣前定斷不可因我前言而稍生疑心九弟入學家中材料可以做衣若再久收恐被蟲傷做數套衣兄弟易衣而出最好家中諸皮衣年年須少買樟腦好好收拾否則必為蟲傷矣同鄉諸家如常書不能盡擄并在京僅一日故多草率兄國藩手具

道光二十七年十二月初六日

男國藩跪稟親大人萬福金安十二月初五接到家中十一月初旬所發家信具悉一切男等在京身體平安男癆疾已全愈六弟體氣如常紀澤兄妹五人皆好男婦懷喜平安不服藥同鄉各家亦皆無恙陳本七先生來京男自有處置之法大人儘可放心大約款待從厚而打發從薄男光景頗窘渠來亦必自悔九弟信言母親常睡不著男婦亦患此病用熟地當歸蒸母雞食之大有效驗九弟可常辦與母親吃鄉間雞肉豬肉最為養人若常用黃芪當歸等類蒸之略帶藥性而無藥氣堂上五位老人食之甚有益也望諸弟時時留心辦之老秧田替後三角坵是竹山灣至我家大路男曾對四弟言及要將路改於砌下在檀山嘴那邊架一小橋由豆土排上橫穿過來其三角坵則多栽竹樹上接新塘砌大楓樹下接檀山嘴大藤包裏甚為完潔我家之氣更聚望堂上大人細思如以為可求叔父於明年春栽竹種樹如不可叔父寫信示知為幸男等於二十日期服已滿敬謹祭告念九日又祭告一次餘俟續具

道光二十八年戊申正月念一日

澄侯子植季洪足下正月十一日發第一號家信是日子極不開又見溫甫在外未歸心中懊惱故僅寫信與諸弟亦嘗為書稟堂上大人不知此書近已接到否溫弟近定黃正齋家館每月俸銀五兩溫弟自去歲以來時存牢騷抑鬱之意太史公所謂居則忽忽若有所亡出則不知其所往者溫甫頗有此象舉業工夫大為拋荒聞或思一振奮而興致不能鼓舞余深以為

慮母勸其痛著祖鞭併心一往溫弟輒言思得一館使身有管束庶心有維繫余愚自為宦官光景尚不十分窘迫焉有不能養一胞弟而必與寒士爭館地向人求薦真難啟口是以久不為之謀館自去歲秋冬以來聞溫弟婦有疾溫弟羈留日久牢落無偶而叔父抱孫之念甚切不能不思溫弟南歸且余既官二品明年順天主考亦在可簡放之列恐溫弟留京三年又告迴避念此數者欲勸溫弟南旋故上次信道及此層欲諸弟細心斟酌不料發信之後不過數日溫弟即定得黃正齋館地現在既已定館身有所管束心亦有所繫屬舉業工夫又可漸漸整理待今年下半年再看光景如我或聖眷略好有明年主考之望則到四五月再與溫弟商入南闈或入北闈行止如我今年聖眷平常或別有外放意外之事則溫弟仍留京師一定觀北闈不必議南旋之說也坐館以羈束身心自是最好事然正齋家澄弟所深知者萬一不合溫弟亦難久坐見可而留知難而退但能不得罪東家好來好去即無不可耳余自去歲以來日日想歸省親所以不能者一則京帳將近一千歸家運費又須數百甚難措辦二則二品歸籍必須具摺摺中難於措辭私心所願者得一學差三年任滿歸家省親上也若其不能或明年得一外省主考能辦運費後年必歸次也若二者不能只望六弟九弟明年得中一人後人得一京官支持門面余則告養歸家他日再定行止如三者皆不得則直待六年之後至母親七十之年余誓具摺告養雖負債累累歸無儲粟亦斷不顧矣然此寔不得已之計若能於前三者之中得其一者則後年可見堂上各大人乃如天之福也不審祖宗默佑否現在寓中一切平安癰疾上半身全好惟腰下尚有鐵痕家門之福可謂全盛而余心歸省之情難以自慰因偶書及遂備陳之穀就伯之項去年已至余寓今始寬便寄南家中可將書封好即行送去餘不詳盡諸惟心照兄國藩手草

道光二十八年五月初十日

男國藩跪稟駁親大人禮安四月底接家中二月廿六所發書五月初八又接三月廿九所發書具悉一切祖父大人病體未愈不知可服虎骨膠否男身體如常華男在黃家就館端節後仍於初八上學紀澤讀告子至魚我所欲也書尚熟次孫體甚肥胖四孫女俱平安長孫女論語已讀畢兩婦亦好其餘眷口如常前叔父信言知廣彭姓山內有地有乾田千畝男思好地峰迴氣聚田必膏腴其山必易生樹木養氣之所積自然豐潤若磽田壘山氣本不聚鮮有佳城如廟山宗祠各山之重潤斷無吉穴矣大抵凡至一處覺得氣勢團聚山水環抱者乃可尋地在則不免誤認也知廣之地不知如何男因有乾田千畝之說故追此說祖母葬後家中尚屬平安其地或尚可用如他處買地不必專買丈尺者附近田畝在三四百千內者京中儘可

寄回京中人賬已過千金茲張羅尚活動從不窘迫堂上大人儘可放心餘參續書另謹稟

道光二十八年五月初十日

澄侯子植事洪二弟左右澄侯在廣東前後共發信七封至郴州耒陽又發二信三月十一到家以後又發二信皆已收到植洪二弟今年所發三信亦均收到澄弟在廣東處置一切甚有道理易念園莊生各處程儀尤為可取其辦朱家事亦為謀甚忠雖無濟於事而朱家必可無怨論語曰言忠信行篤敬雖蠻貊之邦行矣吾弟出外一切如此吾何慮哉賀八爺馮樹棠梁麗棠三處各當寫信去謝澄弟亦宜各寄一書即易念園處渠既送有程儀弟雖未受亦當寫一謝信寄去其信即交易宅由渠家書彙封可也若易宅不便即託雲寬寄李洪考試不利區區得失無足介懷補發之案有名不去覆試甚為得體今年院試若能得意固為大幸即使不遽獲售去年家中既為一人則今歲小挫亦盈虛自然之理不必抑鬱植弟書法甚佳然向例未經過歲考者不合選拔弟若去考拔則同人必指而目之及其不得人必以為不合例而失且以為寫作不佳而黜吾明知其不合例何必受人一番指目乎弟書問我去考與否意以料考正場為斷若正場能取一等補廩則考拔之時已是廩生入場矣若不能補廩則附生考拔殊可不必徒招人妬忌也我縣新官加賦我家不必答言任他加多少我家依而行之如有告官者我家不必入場凡大員之家無半字涉公庭乃為得體為民除害之說為所轄之屬言之非謂去本地方官也排山之事尚未查出待下次摺弁付回歐陽之廿千及柳衙叔之錢望澄弟先我一項墊出待彭大生還來即行歸款彭山此之業師任也總名占現在京引見六月即可回到省九弟及牧雲所需之筆及叔父所囑之膏藥眼藥均託君帶回曹西垣教習服湯引見以知縣用七月動身還家母親及叔父之衣並阿膠等項均託西垣帶回去年內賜衣料袍褂皆可裁三件後因我進閣考裁看家中叫裁縫做渠裁之不得法又竊去整料遂僅裁祖父父親兩套本思另辦好料為母親製衣寄回因母親尚在制中故未遽寄叔父去年四十晉一本思製衣寄祝因在制未遽寄也茲託西垣帶回大約九月可到家臘月服闋即可著矣紀渠讀書每日百餘字與澤兒正是一樣只要有恒不必貪多澄弟亦須常看五種道規及呻吟語洗盡浮華襟懷諒綽上承祖父下型子弟至於澄弟更有厚望焉兄國藩手草

道光二十八年七月二十日

姪國藩謹稟叔父母大人禮安六月十七發第九號信七月初三發第十號信想次第收到十七日接家信二件內父親一諭

四第一書九弟李第在省各一書歐陽收雲一書得悉一切祖大人之病不得少減日夜勞心親叔父辛苦服事而姪遠離膝下竟不得效絲毫之力終夜思維刻不能安江岷樵有信來告渠已買得虎骨七月當親送我家以之熬膏可醫癱瘓云云不如果送來否聞叔父去年起公屋勞心勞力備極經營外面極堂皇工作極堅固費錢不過百千而見者擬為三百千規模焦勞太過後至吐血旋又以祖父復病勤勦瀾甚而父親亦於奉事祖父之餘撰理家政刻不少休姪竊伏思父親叔父二大人年壽日高精力日邁正宜保養神氣稍稍休息家中瑣細事務可命四弟管理至服事祖父凡勞心細察之事則父親叔父躬任之凡勞力嚴重之事則另添用僱工一人不勝則僱二人雇工不要做他事專在祖父人身邊其人要小忍氣姪近年以來精力日差偶用心略甚癱瘓即發夜坐略久次日即覺倦是以力加保養不甚用功以求無病無痛上慰堂上之遠懷外間求作文求寫字者求批改詩文者往往歷久而莫償宿諾是以時時抱疚日日無心安恬恬之時則四弟在京能為我料理一切瑣事六弟則毫不能管故四弟歸去之後姪於外間之回信家鄉應留心之事不免疏忽廢弛姪等近月身體平安舍室大小皆順六弟在京姪苦勸其南歸一則免告迴避二則盡仰事俯畜之誠三則六弟兩年未作文必在家中父親叔父履責方可用功鄉試渠不肯歸姪亦無如之何叔父去年四十晉一姪謹備袍套一付叔母今年四十大壽姪謹備棉外套一件皆交曹西垣帶回服滿後即可著母親外褂並漢綠布夾襖亦不同付回聞母親近思用一了環此亦易辦在省城買不過三四十千若有湖北逃荒者來鄉則更為便宜望叔父命四弟留心速買以供母親叔母之使令其價姪即寄回姪今年光景之窘較甚於往年然東支西拄尚可敷衍若明年能得外差或升侍郎便可彌縫家中今年李弟喜事不知寤追否姪於八月接到俸銀即當寄五十金回即去年每歲百金之說也在京一切張羅姪自有調停毫不費力堂上大人不必憂念姪謹稟

道光二十八年九月十二日

姪國藩謹稟叔父母大人福安八月十六日發第十三號家信不審已收到否九月初十日接到四弟九弟李第等信係八月半在省城所發者知祖大人之病又得稍減九弟得補廩不勝欣幸前夢辛垓廉訪八月十一出京姪寄去衣包一個計衣十件不知已到否姪有銀數十兩欲寄回家久無妙便十月間武岡張君經贊回長沙擬託渠帶回聞叔父為珥上公屋加工修治姪亦欲寄銀數兩為叔父助稿實匠人之資羅六嘉祚所存銀廿二兩在姪處右三項皆擬託張君帶歸前歐陽滄溟先生館事伍太尊已覆書於李仙九先生茲李師又回一信於近處託姪便寄家中可送至歐陽家囑其即投伍府尊也收雲又託

查萬崇軒先生選教官選豆茲已查出寫一紅條大約明冬可選此二事可囑澄侯寫信告知收雪姪等在京身體平安西歷
宋湘賓九月十一出京是日即聘龐君名際雲直隸人曹西垣初十望春出都黎繼喬十六出京江岷樵初八到京嚴仙舫初
十到京餘同鄉俱如故常南陔先生欲以幼女許配紀澤託郭筠仙說媒李家尚未說定兩家似可對不知堂上大人之意若
何望示知餘客續具姪謹稟

道光二十八年十二月初十日

澄侯溫甫子植李洪四第左右十一月十四發第十四號家信不知收到否十二月初九接到家中十月十二一信十一月初
一日一信初十日一信具悉一切家中改屋有與我意見相同之處我於前次信內曾將全屋畫圖寄歸想已收到家中既已
改妥則不必依我之圖矣但三角邱之路必須改於檀山黃下面於三角邱密種竹木此我畫圖之要囑望諸弟稟書堂上急
急行之家中改房亦有不與我合意者已成則不必再改但六弟房改在爐子內此係內外往來之屋欲其通氣不欲其悶塞
余意以為必不可不若以長橫屋上半節開斷作屋為安建閣兩隔作機房客室中閣一節作過道上手節作房內茅房在石柱屋後亦嫌太遠不如
於季洪房外高砌打進去七八尺即舊茅房溝對過之砌若打進大餘則與上首柴間處同能既可起茅房澡堂而後邊地面寬密家有喜事梳妝米貨亦
有地安置不至局促不知可否家中高麗參已完明春得使即寄彭十九之壽屏蘇華明春寄到此間事務甚多我更多病是
以遲遲澄弟辦賊甚快人心然必使其親房人等知我家是國地方安靜不是為一家逞勢張威庶人人畏我之威而不恨我
之大惡賊既辦後不特面上不可露得意之聲色即心中亦必存一番矜矜之意望諸弟人人當留心也微一未叔在我家教
讀甚好此次未寫信請安諸弟為我轉達同鄉周君農家之鮑石卿前與六弟交遊近因在妓家飲酒提督府報交刑部革去
供事而荷農救舟尚遊蕩不畏法真可怪也余近日常有目疾餘俱康泰內人及二兒四女皆平安小兒甚胖大西席龐公擬
十一回家正月半來將請李肇岑氏館宋鄉賓在道上撲跌斷腿五十餘天始抵蕪城大可憫也餘不一一國藩手草

道光二十九年己酉正月初十日

四位老弟足下去臘初十日發茂申第十八號家信厥後廿六日接溫弟在湖北所發信正月初八日接諸弟臘月十五所發
信而溫弟在河南託鄉墨林賴寄一信則至今未到澄弟十一月十九所發一信亦至今未到也澄弟生子慶賀慶賀吾與澄
弟去年報最今年輪應溫植洪三人報最矣但植弟之婦聞已有吉語恐政成當在溫弟之前植弟未免疾行先長耳四位弟

婦聞皆率母親叔母之教能勤儉予聞之不勝欣喜已辦有材料令春為四弟婦各製一衣竟便即行寄回澄弟捐監執照亦準於今年寄回父親名書呈祥取麟趾呈祥之義也前年溫弟捐監叔父名書呈材取天驕呈材之義也當時恐六弟尚須小試故捐監填名略變以為通融地步而今溫弟既一成不易故用呈祥配呈材暗寓麟字驥字於中將來即分兩房曰呈祥房曰呈材房亦免得直寫父叔官名耳李子山曾希六族伯託我捐功名其夥計陳體元亦託捐我丁酉年在東江煤龍此人待我不薄若非煤龍之錢則丁酉萬不能進京渠來託我不能不應擬令歲為之辦就其銀錢囑渠送至我家有便將執照付至家中渠銀錢一到即發執照與渠可也即未收全亦可發也丁酉年辦進京盤費如朱文八王燧三燧六等皆分文不借則曾陳二人豈可不感也哉現在喬心農^{晉孝}放常德知府二月出京四弟監照與二人執照大約可託渠帶至湖南也去年年內各族戚之錢不知如數散給否若未給望今春補給免得我時時望心考試者十千及乞丐之十千不審皆給否務乞詳以示我竹山灣我當價不知比楚善叔一頭原價何如乞明告我既買竹山灣又買廟臺上銀錢一空似非所宜以後望家中母買田須略積錢以備不時之需植弟詩才頗好但須有古人專集一家乃有把握萬不可徒看選本植弟則一無所看故無把握也李洪詩文難於進功須用心習字將來即學叔父之規模亦有功於家庭紀澤兄自去臘龐先生歸河間請李筆峰來代館日加獎督悟性大進一日忽有作四言詩一篇命題曰舜征有苗篇余始不信次日余與黃齋吾面試之果能清順或者得祖父德蔭小有成就亦未可知茲命其騰出寄呈臺上以博一笑然記性不好終不敢信其可造也茲寄回正月初一至初十日 上諭及宮門抄以後按月寄歸溫弟所允蕭平五指紳當於喬心農處付渠李竹屋鹿膠高麗參亦候喬公始寄此次余欲寫信與竹屋寔無少暇矣予身體平安家中大小如常二兒肥胖餘不一一兄國藩手草

梁儼棠兄弟到京盛稱澄弟之才且言廣東騙客帳以千萬計從無一人取回一文者澄弟可謂破天荒也

道光二十九年二月初六日

澄侯溫甫子植李洪四位老弟左右正月十日曾寄家信甚為詳備二月初三接到澄弟十一月二十夜之信領悉一切今年大京察侍郎中休致者二人德遠村^{厚馮吾園}雨先生也余即補吾園先生之缺向來三載結外官謂之大計京官謂之京察京察分三項一二品大員及三品之副都御史 皇上皆能記憶其人不必引 見御筆自下硃諭以為彰瘴此一項也自宗人府丞以下凡三四五品京官皆引 見有黜而無陟前日丙午在礦兒胡同時問歷學士奎光即引 見休致者也此一

項也自五品而下如翰林內閣御史六部由各堂官考察分別一二三等一等則政府道從前如夢平階易念園今年如陳竹伯皆京察一等也此一項也余自到禮部比從前較忙冗恨不得有人幫辦寓中瑣雜事然以家中祖父之病父叔勤苦已極諸第萬無來京之理且如溫甫在京余方再三勸誘令之南歸余豈肯再蹈覆轍令之北來江岷樵以揀發之官浙江補缺不知何時余因溫弟臨別叮囑之言薦鄧星階偕岷樵往浙岷樵既應允矣適徐若渠請星階教書星即就徐館言定秋間仍往浙依江江亦應允鄧星林自河南來京意欲捐教現寓圓通觀其為人甚誠篤君子也袁漱六新正初旬忽吐血數天現已全愈黃正齋竟為本部司員頗難為情余一切循諫恭之道欲破除藩籬而黃總不免拘謹余現尚未換綠呢車惟添一騾蓋八日一赴園不能不養三牲口也書不一一兄國藩草

道光二十九年三月初一日

澄侯溫甫子植季洪及下二月廿六發家信第三號想可早到茲乘喬心農先生常德太守之便付去紋銀六十二兩零共六錢外又一小錠係內子寄其伯母乞寄陽牧雲轉父又鄧星階寄銀六兩亦在此包內並渠信專人送去又高麗參一布包內頂上者一兩共十四枝專辦與祖父大人用次等者三兩共五枝又次等者白參半斤不計枝今年所買參皆擇其佳者較往年略貴故不甚多又鹿膠一斤共一布包又一品補服四付共一布包前年所寄補服內有打躬者係一品服合此次所寄共得五付補服不分男女向來相便鳥嘴有向內向外之分皆無稽之言也一品頂帶三枚則置高麗參匣之內望諸弟速伴清出呈堂上大人喬太守要由山西再轉湖南到長沙大約在閏四月底此信不詳他事容下次再詳也國藩手草

道光二十九年三月二十一日

再者九弟生子大喜敬賀敬賀自丙午冬葬祖妣大人於水兜冲之後我家已添三男了我則升閣學升侍郎九弟則進學補廩其地之吉已有明效可驗我平日最不信風水而於朱子所云山環水抱藏風聚氣二語則篤信之木兜冲之地予平日不以為然而葬後乃吉祥如此可見福人自葬福地絕非可以人力參預其間家中買地若出重價則斷斷可以不必若數十千則買一二處無碍宋湘賓去年回家臘月始到山西之館既失而湖北一帶又一無所得今年因常南陔之約重來湖北而南陔已盡官陝西矣命運之窮如此去年曾有書寄溫弟茲亦付去上二次忘付也李筆峰代館一月又在寓鈔書一月現在已搬出矣毫無道理之人究竟難與相處龐省三在我家教書光景甚好鄧星林來京捐復教官在元通觀往日日來我家開談

長沙老館我今手大加修整人人皆以為好瑣事兼述諸惟心照

道光二十九年四月十六日

男國藩跪稟親大人萬福金安四月十四日接奉父親三月初九日手諭並叔父大人賀喜手示及四弟家書敬悉祖父大人病體未好且日加沉劇父叔率諸兄弟服侍已逾三年無晝夜之閒無須臾之懈獨男一人遠離膝下未得一日盡孫子之職罪責甚深聞華弟奎弟文恩大進係弟之文得華弟講改亦日馳千里遠人聞此散慰無極男近來身體不甚結實稍一用心即癱發於面醫者皆言心虧血熱故不能養肝熱極生風陽氣上干故見於頭面男恐大發則不能入見二月念三謝恩稟 召見三月十四值班稟召見故不敢用心謹守大人保養身體之訓隔日一至衙門辦公事餘則在家不妄出門現在衙門諸事要俱已熟悉各司官於男皆甚佩服服上下水乳俱融同寅亦極協和男雖終身在禮部衙門為國家辦照例之事不苟不懈盡就條理亦所深願也英夷在廣東令年復請入城徐總督辦理有方外夷折服竟不入城從此永無夷禍 聖心嘉悅之至四月十五日 上諭甚嘉獎茲特呈李石梧前輩告病陞立夫總制兩江亦極能勝任術者每言 皇上連年命運行劫財地去冬始交脫 皇上亦每為臣工言之今年氣象果為昌泰誠 國家之福也兒婦及孫女輩皆好長孫紀澤前因開蒙太早教得太寬頃讀畢書總請先生再將詩經點讀一遍夜閒講綱鑑正史約已講至秦商鞅開阡陌李家親事男因桂陽州往來太不便已在媒人唐鶴九處回信不對常家親事男因其女係妾所生已知其不諧矣紀澤兒之姻事屢次不就男當年亦十五歲始定婚則紀澤再緩一二年亦無不可或求大人即在鄉間選一耕讀人家之女或男在京自定總以無富貴氣習者為主紀雲對郭雨三之女雖未訂盟而後此呼親家稱姻弟往來親密斷不改移二孫女對岱雲之次子亦不改移謹此稟聞餘詳與諸弟書中男謹稟

道光二十九年五月十五日

澄侯溫甫子植季洪足下四月十八日接家信第七號想已收到近一月餘無報弁來以新撫臺尚未到任五月十一接澄弟四月八日所發第五號信並廿六日所發第六號信而正月十七第一號信至今未到誠不可解京寓自四月以來一切平安癰疾經鄰里林開九做藥丸有附于黃氏等補陽之藥愈見大好面上頭上生人全看不出矣紀澤兒近作史論畧成章句茲命其膠兩首寄呈堂上一閱次兒之名音與叔父名相近已改名紀鴻體甚肥大尚不能行不能說話四女皆好閏四月初九

日考題士志於道一章經題閏月則閏門左扉詩題賦得感豐仍節儉得乃字澄弟岳陽樓記擬交廣西主考帶去大約七月初旬可到長沙澄弟若高興且聞其嫡庶不甚和睦又聞其世兄不甚守儉設樸亦不願對南陔先生今年來京時畧不與之提及此事衆人聞中元前後到長沙定可接到然溫植二弟到省以後恐家中無人伺候澄弟即不入關亦可宜堂上問宜何如耳去年冬底所寄各族感家微資今年家書總未提及不知竟一一如數交去否乞示知餘不詳並俟下次續具兄國藩手草

道光二十九年六月初一日

澄侯溫甫子植季洪四位老弟足下五月十五日發家信第八號並京報一厚包廿四日由廣西主考孫渠田太史 銜鳴處發第九號信並澄第監照戶部照二紙又今年主考車順執鄉試文一篇徐元敷會試文三篇共為一包不審何日到孫太史於五月廿八在京起程大約七月中旬可過長沙待渠過去後家中可至雲處接監照也京寓近日平安癩疾服鄒墨林丸藥方最為有效內人腹泄七八天亦服鄒所開方而效昨日摺到後又未接信澄弟近日寫信極勤且詳而京中猶有望服欲穿之時蓋不住省城則摺弁之或遲或早無從由查閱正月十六第一號家信至今尚未收到千屢次以書告諸弟又書告雲託其向提塘並蕭早五處確查昨雲回信內夾有蕭早五回片寫明正月十六之信已於廿一日交提塘王二手收又言四月十四周副爺 銜新到京此信已交京提塘矣云云接辛五來片比遣人去京提塘問明據答云周維新到京並無此信若有萬無不送之理且既係正月廿一交省提塘則二月廿三有韓摺弁到京三月十八有張摺弁到京何以兩人俱未帶而必待四月十四之周維新哉今仍將辛五原片付回家中望諸弟再到提塘細查正月廿一辛五到時提塘曾挂收信號簿否並問辛五兄何以知二月之韓弁三月之張弁俱未帶此信而直待周維新始帶且辛五片稱四月十四信交京提塘門上收係關何人所言何以至今杳然一一查得水落石出覆示為要子因正月十六之信至為詳細且分為兩封故十分認真若寔查不出則求澄弟再細寫一編並告鄧星階家曾屬子家道前信已失落也紀澤兒讀書如常茲又付呈論數首皆先生未改一字者紀鴻兒體甚肥胖前聞排行已列丙一不知乙字一排十人何以遽滿乞下次示知得毋以乙字不佳遂越而排丙乎予意不必用甲乙丙丁為排可另取四字曰甲科鼎盛則音節響亮便於吟嘯諸弟如以為然即可編告諸再從兄弟山西巡撫王兆琛 欽差雷明各款現奉旨革職拿問將來不知作何究竟此公名聲狼藉得此番鐫示亦足寒貪吏之膽袁漱六病尚未

全好同鄉各家如常李仙九先生放山西巡撫送我綠呢車現尚未來擬待一二年後再換凌波舟徐芸渠並考取軍機引見記名黃正甫張潤農未記餘不悉具兄國藩手草

道光二十九年六月念九日

澄侯溫甫子植季洪四位老弟足下六月初二日發家信第十號十五發第十一號念日發第十二號不知次第收到否想皆於念二日奉使陝西今年湖南差運頗利日內身體平安內人自前腹泄後至今尚服黃耆鹿麥附片之類自此可保安泰紀澤兒讀書尚熟詩經理讀至生民之什古詩讀至左太冲詠史綱鑑講至漢高祖末年所作史論較前月所作意思略多茲付回三首次兒肥胖可愛四女兒皆好龐省三教書甚為得法宋湘寶在湖北藩署光景頗好昨有書來致意溫弟長郡館向來規模不好人人不喜今年我督工匠大改規模人人拍案稱奇現在同鄉人請我將湖廣館亦改定規制擬於八月興工想十月可畢役郭筠仙家水勢不知如何溫甫在省見之可問明告我渠又救六五十金近已償去若見筠仙翌丞可即告之不另寫信爲雲寄程正榮信亦已妥交見爲雲時即告知寄莊心厚張禮度信各一件到日即送去餘不二俟下次續具兄國藩手草

道光二十九年七月十五日

澄侯溫甫子植季洪四位老弟足下七月十三日接到澄弟六月初七所發第九號家信具悉一切吾於六月共發四次信不知俱收到否今年陸費中丞丁憂閏四月無暇差到故自四月十七發信後直至五月中旬始再發信宜家中懸望也祖父大人之病日見增加速人聞之實深憂懼前六月念日所付之鹿茸片不知何日可到亦未知可有微功否予之癰病多年沉痾賴鄉墨林舉黃著附片方竟得全愈內人六月之病亦極沉重幸墨林診治遂得化險爲夷變危爲安同鄉我墨林看病者甚多皆隨手立效墨林之弟徽屏四兄今年曾到京寓元通觀其醫道甚好現已歸家予此次以書附墨林家書內求徽屏至我家診治祖父大人或者挽回萬一亦未可知徽屏人最誠寔而又精明即周旋不到必不見怪家中只須打發轎夫大錢二十不必別有所贈送渠若不來家中亦不必去請他鄉間之報費至三千五百此豈古未有者小民何以聊生吾自入官以來即思爲曹氏置一義田以贍救孟學公以下貧民爲本境置義田以贍救念四都貧民不料世道日苦予之處境未裕無論爲不官者自治不暇即使外放或爲學政或爲督撫而如今年三江兩湖之大水災幾於鴻嗷半天下爲太官者更何忍於廉俸之外多取半文乎是義田之願恐終不能償然予之定計苟仕宦所入每年除供奉堂上甘旨外或稍有贏餘吾斷不肯買一畝